



## Фракция муҳокамаси



# ТАШКИЛОТ ЭМАС, МАНСАБДОР ШАХС

### жавобгар бўлади

**И**жтимоий ҳимояга муҳтож, хусусан, жисмоний имконияти чекланган кишилар ҳам меҳнат қилиш ҳуқуқига эга.

Бунинг учун корхона-ташкilotларда қонунчиликка мувофиқ чоралар амалга оширилиши, муно-

сиб меҳнат шароити ва кафолатлари яратилиши керак. Акс ҳолда, қонун талаблари бажарилмаган

ҳисобланади ва тегишли тартибда жавобгарлик белгиланади. Олий Махлис Қонунчилик палатасидаги ЎзДП фракциясининг навбатдаги йиғилишида ана шу жавобгарлик кучайтирилиши масалаларига алоҳида эътибор қаратилди.

»»» 2-бет

## Муносабат

# «ЎЗБЕКИСТОН ФАРЗАНДИ ЭКАНЛИГИМДАН ФАХРЛАНАМАН»

Равшан ЭРМАТОВ,

ФИФА рефериси, «Ўзбекистон ифтихори» фахрий унвони соҳиби.



— Эрта-индин Бразилияга — Конфедерациялар кубоги учрашувлари ни бошқариш учун жўнайман. Шунга қарамай, мени мамлакатимиз ёшларининг катта спорт фестивалининг тантанали очилиш маросимига тақдир қилишганидан жуда бахтиёрман.

Очиғи, қадимий ва қўнқа Бухоро шаҳри «Универсиада — 2013» республика финал босқичи мусобақалари арафасида қайтадан чирой очиб, кўрмага янада кўрк қўшилганини кўриб хайратимни яшира олмадим. Шаҳарда амалга оширилган бунёдкорлик ва ободончилик ишлари киши бахри дилини очди. Бир-биридан чиройли ва муҳташам спорт иншоотлари келажакда халқимиз ва Ватанимиз обрўсини халқаро майдонларда жаҳонга кўз-кўз қиладиган истеъодларни тарбиялашига шубҳам йўқ.

Универсиаданинг тантанали очилиш маросимида Президентимиз Ислам Каримовнинг «Универсиада — 2013» спорт ўйинлари иштирокчиларига йўлаган табригини эшитиб, қалбим яна бир бор фахрийлик билан тўлди. Давлатимиз раҳбари юртимизда жисмоний тарбия ва спортни ривожлантириш йўлида амалга оширилаётган барча ишлар **ёшларимизни жисмоний ва маънавий жиҳатдан соғлом ва баркамол этиб тарбиялаш, фарзандларимиз тараққий толган давлатлардаги тенгдошларидан кам бўлмаслиги, навқирон ёшларимизнинг халқимиз,**

Ўзбекистонимизнинг таянчи ва суянчи, биз интилаётган юксак марраларга етиш йўлида ҳал қилувчи куч бўлиб ҳаётга кириши учун амалга оширилаётганини алоҳида таъкидлади.

Дарҳақиқат, хизмат сафари юзасидан дунёнинг кўплаб давлатларида бўлганман. Шунинг алоҳида таъкидлашни истардимки, уларнинг ҳеч бирида спортни, айниқса, болалар спортини ривожлантиришга мамлакатимиздаги сингари улкан эътибор берилмади. Ўзбекистондан бошқа бирор бир мамлакатда уч босқичли спорт тизими — «Умид ниҳоллари», «Баркамол авлод» ва Универсиада ўйинлари йўлга қўйилмаганлигининг ўзиёқ фикримнинг тасдиғидир. Мамлакатимиз терма жамоаларига иқтидорли спортчиларни тарбиялаб, етказиб бериш, олимпиячилар захирасини мустаҳкамлаш, ёш иқтидор эгаларига катта спорт сари кенг йўл очишда айнан мазкур тизим муҳим ўрин тутди.

Фарзандлари соғлом ва баркамол улғайиши, бахтли-саодатли бўлиши учун қайғурадиган юртининг — Ўзбекистоннинг фарзанди эканлигимдан фахрланаман.

## Озиқ-овқат таъминоти ва хавфсизлиги

# БАЛИҚЧИЛИК — ҚИШЛОҚ ХЎЖАЛИГИДА МУҲИМ ТАРМОҚ

бу соҳанинг ривожланиши аҳолининг балиқ маҳсулотларига бўлган талабини қондиради, нарх-навони арзонлаштиради ва янги иш ўринлари очилишига хизмат қилади

**Ш**у боисдан, бу соҳани ривожлантиришга давлатимиз томонидан катта эътибор қаратилмоқда. Тармоқда жиддий ислохотлар амалга оширилмоқда. Унинг ҳуқуқий асослари тубдан ўзгартирилиши, эски усулда фаолият юритаётган давлат балиқчилик корхоналарини хусусийлаштириш, бозор муносабатлари талабларига жавоб берадиган рақобатбардош балиқчилик хўжаликлари ташкил этилишига замин яратди.

3

**Партия дастурий мақсадларини самарали амалга ошириш учун бошланғич партия ташкилотларига дунёқараши кенг, изланувчан, сиёсий-ҳуқуқий билими юқори, жамоатчилик билан ишлаш ва ташкилотчилик қобилиятига эга, одамларни ўз ортидан эргаштира оладиган фаолларни етакчи этиб сайлаш муҳим аҳамиятга эгадир.**

## Бошланғич партия ташкилотларида ҳисобот-сайловлар

# ЕТАКЧИНИНГ ФАОЛ ВА ТАШАББУСКОРЛИГИ

партия фаолиятини кучайтиради, бундан аҳолининг ижтимоий муҳофазага муҳтож қатлами манфаат кўради

**С**иёсий партия аҳоли муайян қатламнинг қарашлари, манфаатлари ва мақсадлари муштараклиги асосида тузилади ҳамда уларнинг иродасини рўйбга чиқариш учун курашади. Ўз Дастури, Сайловолди платформасида муайян ғояларни илгари суради.

Сиёсий партия ўз олди-га қўйган мақсадга эришишининг кўплаб омиллари бор. Ана шулардан бири, ҳеч шубҳасиз, бошланғич ташкилотлардир. Бошланғич ташкилотлар партия ўз электорати билан узвий алоқа боғлаб туришининг энг ишончли воситаси ҳисобланади. Сиёсий партиянинг халқ орасига чуқур

кириб бориши, нуфузи мустаҳкамлаши кўп жиҳатдан бошланғич ташкилотлар фаолияти қай даражада самарали йўлга қўйилганига боғлиқ. Қуйи бўғини иши тўғри ва тизимли ташкил этилса, партия сиёсий куч сифатида ўзини тўлиқ намоён этади ва мавқеи ошади. Бир сўз билан айтганда, кучли бошланғич

ташкilot партиянинг дастурий мақсади ва вазифалари рўйбга чиқишида муҳим ўрин тутди.

Сиёсий партия ўз дастурий вазифаларидан келиб чиқиб, аҳолини ўйлантираётган масалаларни изчил ўрганиш, электорати билан ҳамнафас бўлиш учун ўзининг бошланғич ташкилотларига таянади. Чунки улар электоратга яқин бўғин бўлиб, бевосита аҳоли орасида, ҳаётнинг энг қайноқ жойларида фаолият юритади. Табиийки, бугунги куннинг, бугунги кун одамларининг ўй-ташвиши, ютуқлари-ю муаммоларини яқини билади.

»»» 2-бет

## Халқ депутатлари маҳаллий Кенгашларида

**А**троф-муҳит тоза, ҳаммаёқ обод ва чиройли. Бундай жойда кайфият кўтаринки бўлади, одам ўзини тетиқ ҳис қилади. Аммо бунинг акси бўлса-чи? Эрталаб ишга шошганча уйдан чиқдингиз, маҳалла бошида ҳар томонга ёйилиб ётган чиқиндиларга кўзингиз тушиди. Бу нафақат кайфиятингиз, балки соғлигингизга ҳам таъсир этмасдан қолмайди.

# ҚОНУН ИЖРОСИ

унга масъулият ва ҳурмат билан ёндашмоққа боғлиқ

Тахлиллар кўрсатишича, сўнгги йилларда маший ва саноат чиқиндилари йилдан-йилга кўпайиб борапти. Бу экологик барқарорлик, аҳоли саломатлигига борган сари жиддий таъсир кўрсатмоқда. Шу боис чиқиндиларни йиғиш, зарарсизлантириш, қайта ишлаш долзарб масалалардан бирига айланди.

Халқ депутатлари Тошкент шаҳар Кенгашининг Коммунал хўжалик ва атроф-муҳитни ҳимоя қилиш масалалари бўйича доимий комиссияси «Чиқиндилар тўғрисида»ги Қонуннинг шаҳардаги ижросини ўрганиб чиқди. Яқинда доимий комиссия томонидан ташкил этилган давра суҳбатид

ўтказилган назорат-таҳлил якунлари муҳокама этилди, чиқиндиларни ўз вақтида олиб кетиш ва аҳоли ўртасида бу масаладаги тарғибот-тушунтириш ишлари ҳақида сўз юритилди.

Таъкидландики, Қонун ижросини таъминлаш мақсадида «Ўз-коммунизат» агентлиги, шаҳар соғлиқни сақлаш бошқармаси, Табиатни муҳофаза қилиш кўмитаси, «Махсустрас» ишлаб чиқариш бошқармаси, Давлат санитария-эпидемиология назорати маркази, Худудий коммунал фойдаланиш бошқармаси томонидан қатор ишлар амалга оширилмоқда.

»»» 2-бет



**ОИЛАВИЙ ТАДБИРКОРЛИК**  
аҳоли турмуш фаровонлигининг муҳим омили

3



**КОЛЛЕЖ БИТИРУВЧИ-СИННИНГ ИШ ЎРНИ ТАЙИН**

3



**ЎЗБЕК СПОРТЧИЛАРИНИНГ УЛКАН ШИЖОАТИ**

4





